

საქართველოს სპორტისა და ახალგაზრდობის საქმეთა სამინისტრო



კვლევის მომსახურების სახელმწიფო შესყიდვის შესახებ
გამარტივებული ელექტრონული ტენდერის სატენდერო
დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე

2016 წელი

სარჩევი

1. შესყიდვის ობიექტის ტექნიკური დავალება ----- 3 გვ.
2. შესყიდვის ობიექტის მიწოდების ვადები ----- 3 გვ.
3. ანგარიშსწორების პირობები ----- 3 გვ.
4. ინფორმაცია ტენდერში მონაწილეთათვის ----- 3 გვ.
5. პრეტენდენტის მიერ სისტემაში ასატვირთი მონაცემები ----- 3 გვ.
6. სახელმწიფო შესყიდვის შესახებ ხელშეკრულების პროექტი ----- 4 გვ.
7. დანართი №1 ----- 8 გვ.
8. დანართი №2 ----- 9 გვ.

1. შესყიდვის ობიექტის ტექნიკური დავალება

„ახალგაზრდული პოლიტიკის განვითარების პროგრამის“ ქვეპროგრამა „მოსწავლე-ახალგაზრდების პროფესიული ორიენტაციის ხელშეწყობის პროგრამა“ ფარგლებში კვლევის მომსახურების გაწევა დანართი #2 შესაბამისად.

2. შესყიდვის ობიექტის მიწოდების ვადები

- 2.1 მომსახურება უნდა განხორციელდეს ხელშეკრულების გაფორმებიდან არაუგვიანეს 10 დეკემბრის ჩათვლით.

3. ანგარიშსწორების პირობები

- 3.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 3.2 ანგარიშსწორება მოხდება უნაღდო ანგარიშსწორებით ლარში.
- 3.3 ანგარიშსწორება განხორციელდება მიღება-ჩაბარების აქტის გაფორმებიდან 10 (ათი) დღის განმავლობაში.
- 3.4 დასაშვებია წინასწარი ანგარიშსწორება სახელშეკრულების ღირებულების 30 % ოდენობით. წინასწარი გადახდის მექანიზმის გამოყენების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის შესაბამისი ოდენობის საავანსო საბანკო/სადაზღვევო გარანტია, რომლის მოქმედების ვადა უნდა იყოს არანაკლებ 2017 წლის 31 იანვრისა. ამასთან, პრეტენდენტის მიერ ავანსის მოთხოვნის შემთხვევაში, ავანსის ოდენობა, რომელიც გამოსახული უნდა იყოს პროცენტებში, არ უნდა აღემატებოდეს ხელშეკრულების ღირებულების 30%-ს. დარჩენილი 70%-ის ანაზღაურება შესაძლებელია მოხდეს ეტაპობრივად მიღება-ჩაბარების აქტის გაფორმებიდან 10 კალენდარული დღის განმავლობაში.
- 3.5 მომსახურების სავარაუდო ღირებულება შეადგენს **40 000 (ორმოციათასი) ლარს**.

4. ინფორმაცია ტენდერში მონაწილეთათვის

- 4.1 პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
- 4.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს დადგენილი წესით შესრულებული თარგმანი ქართულ ენაზე.
- 4.3 სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 4.4 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.
- 4.5 ფასწარმოქმნის ადეკვატურობის დასაბუთების მოთხოვნისას, ფასწარმოქმნის ადეკვატურობის დამადასტურებელი დოკუმენტაცია წარმოდგენილი უნდა იყოს მოთხოვნიდან 5 (ხუთი) სამუშაო დღის განმავლობაში. სამუშაო დღეში
- 4.6 პრეტენდენტს არა აქვს უფლება წარმოადგინოს ალტერნატიული სატენდერო წინადადება.
- 4.7 საკონტაქტო პირი სოფო ბრეგვაძე. ტელ.: 2 235-149.

5. პრეტენდენტის მიერ სისტემაში ასატვირთი მონაცემები

- 5.1 რეკვიზიტები დანართი №1-ის მიხედვით;
- 5.2 კვლევის მომსახურების ფასების ცხრილი დანართი №2-ის შესაბამისად;
- 5.3 პრეტენდენტი უნდა გააჩნდეს კარიერული კონსულტირების (კარიერის მართვისა და განვითარების) და შრომისა და ორგანიზაციის ფსიქოლოგიის დარგში საკონსულტაციო და კვლევითი მუშაობის, რაოდენობრივი და თვისებრივი კვლევების არანაკლებ 4 (ოთხი) წლიანი (რომელიმე ერთი წლის გამოცდილებაც მისაღებია 2013 ან 2014 ან 2015 ან 2016) გამოცდილება, შესაბამისად უნდა წარმოადგინოს 4 (ოთხი) წლის განმავლობაში მინიმუმ 5 პროექტი მათ შორის არანაკლებ ერთი პროფორიენტაციის მიმართულებით, ატვირთული უნდა იყოს პროექტების განხორციელების დამადასტურებელი დოკუმენტები (მიღება-ჩაბარების აქტები, ანგარიშ-ფაქტურები ან/და ორმხრივად დადასტურებული სხვა დოკუმენტაცია);
- 5.4 პრეტენდენტი ორგანიზაციის წევრებს უნდა ჰქონდეთ კვალიფიკაცია შეფასებისა (შეფასების ინსტრუმენტების კონსტრუირება, ფსიქომეტრული ანალიზი) და კვლევების წარმოების (რაოდენობრივი, თვისებრივი კვლევა) სფეროში. ასევე, გამოცდილება კარიერული დაგეგმვისა და კონსულტირების სფეროში, ატვირთული უნდა იყოს მონაწილეთა CV-ები;
- 5.5 პრეტენდენტმა უნდა წარმოადგინოს დეტალური გეგმა, თუ როგორ აპირებს აღნიშნული სამუშაოს შესრულებას. გეგმას თან უნდა ახლდეს პროექტის განხორციელების შემოთავაზებული მეთოდოლოგია. ამასთან, უნდა აღიწეროს, რატომაა წარმოდგენილი მეთოდოლოგია რელევანტური ამ პროექტის განხორციელებისათვის

ხელშეკრულება სახელმწიფო შესყიდვის შესახებ № _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

“___” _____ 2016 წ.

საქართველოს სპორტისა და ახალგაზრდობის საქმეთა სამინისტრო (მის: ქ. თბილისი, ჭავჭავაძის გამზირი N49ა, ტელ.: 2-235-149, საბანკო რეკვიზიტები: ანგ. NGE24NB0330100200165022 სახელმწიფო ხაზინა, კოდი-TRESGE22, სკ-204861916), შემდგომში წოდებული „შემსყიდველად“, წარმოდგენილი მინისტრის ----- სახით და _____ (მისამართი: _____, ტელეფონი: _____, საბანკო რეკვიზიტები: ანგ. № _____ სს _____, კოდი _____, სკ-_____) შემდგომში წოდებული „მიმწოდებლად“, წარმოდგენილი მისი დირექტორის _____ სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

კვლევის მომსახურება

3. ხელშეკრულების ღირებულება

3.1 ხელშეკრულების ღირებულება: _____ ლარი.

3.2 ხელშეკრულების ღირებულება მოიცავს, როგორც საქონლის ღირებულებას ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულების გაფორმებიდან (_____) დღის განმავლობაში, მისამართზე: ქ. თბილისი, _____;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

5.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების პერიოდში, შემსყიდველის მოთხოვნათა შესაბამისად.

5.2 ინსპექტირებას განახორციელებს _____.

5.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი საქონლის მიწოდების დროს და თუ აღმოჩნდება უხარისხო საქონელი, მიმწოდებელი ვალდებულია წერილობითი შეტყობინებიდან **5 (ხუთი)** დღეში გამოასწოროს წუნი, ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება, დაუბრუნოს შემსყიდველს აღნიშნული საქონლის ღირებულება.

5.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ამ ხელშეკრულების მოქმედების ვადის გასვლამდე.

6. საქონლის მიღება-ჩაბარების წესი

6.1 საქონლის მიღება შესაძლებელია განხორციელდეს ეტაპობრივად მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის დადებითი დასკვნის საფუძველზე.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2 შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და ანგარიშფაქტურის წარმოდგენიდან **10 (ათი) დღის** განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

8.3 დასაშვებია წინასწარი ანგარიშსწორება სახელშეკრულების ღირებულების 30 % ოდენობით. წინასწარი გადახდის მექანიზმის გამოყენების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის შესაბამისი ოდენობის საავანსო საბანკო/სადაზღვევო გარანტია, რომლის მოქმედების ვადა უნდა იყოს არანაკლებ 2017 წლის 31 იანვრისა. ამასთან, პრეტენდენტის მიერ ავანსის მოთხოვნის შემთხვევაში, ავანსის ოდენობა, რომელიც გამოსახული უნდა იყოს პროცენტებში, არ უნდა აღემატებოდეს ხელშეკრულების ღირებულების 30%-ს. დარჩენილი 70%-ის ანაზღაურება შესაძლებელია მოხდეს ეტაპობრივად მიღება-ჩაბარების აქტის გაფორმებიდან 20 კალენდარული დღის განმავლობაში.

9. ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული საქონლის მიწოდების ვადების გადაცილების შემთხვევაში ან 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე მიუწოდებელი საქონლის 0.07%-ის ოდენობით.

9.2 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების **10 (ათი) პროცენტს**, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2 თუ ასეთი მოლაპარაკების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შეწყვეტა

12.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

13.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს **2017 წლის 31 იანვრის ჩათვლით**.

14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი შემსყიდველს.

16. საავანსო საბანკო გარანტია

16.1 შემსყიდველის მიერ გადახდილი 30%-ის ოდენობის საავანსო საბანკო/სადაზღვევო გარანტიის თანხის გათავისუფლება განხორციელდება ხელშეკრულებით განსაზღვრული მომსახურების შესრულების შესახებ გაფორმებული საბოლოო მიღება-ჩაბარების აქტ(ებ)ის საფუძველზე.

16.2 მიმწოდებლის მიერ წარმოდგენილი ხელშეკრულების ღირებულების 30%-ის ოდენობის საავანსო თანხის საბანკო/სადაზღვევო გარანტია, შემსყიდველის მიერ შეიძლება გამოყენებულ იქნეს იმ შემთხვევაში, თუ მიმწოდებელი ვერ უზრუნველყოფს ამ ხელშეკრულებით გათვალისწინებული მომსახურების შესრულებას.

16.3 საავანსო საბანკო/სადაზღვევო გარანტიის მოქმედების ვადა 30 (ოცდაათი) დღით უნდა აღემატებოდეს სამუშაოების დასრულების ვადას.

მხარეთა რეკვიზიტები:

შემსყიდველი

მიმწოდებელი

- რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ბანკი კოდი:

ანგარიშსწორების ანგარიში:

(პრეტენდენტის დასახელება)

(ხელმოწერა)

(სახელი, გვარი, თანამდებობა)

(თარიღი ზ.

ტექნიკური აღწერილობა	ღირებულება
შესყიდვის ობიექტის აღწერა: კვლევის სახელწოდება: „კარიერული კონსულტირებისა და განვითარების სერვისების ხელმისაწვდომობა მოსწავლე-ახალგაზრდებისთვის: არსებული ვითარების ანალიზი, პრობლემები, გამოწვევები, მოლოდინები და განვითარების პერსპექტივები“ კვლევის მიზანი: საქართველოში კარიერული დაგეგმვისა და კონსულტირების სფეროში არსებული ვითარების შეფასება; სამიზნე პოპულაციის საჭიროებებისა და მოლოდინების შესწავლა; საქართველოს სპორტისა და ახალგაზრდობის საქმეთა სამინისტროს კარიერულ კონსულტაციასთან დაკავშირებული პროექტების ცნობადობისა და ეფექტიანობის შეფასება; კვლევაზე დაფუძნებული რეკომენდაციების შემუშავება არსებული პროექტების განვითარებისა და ახალი პროდუქტების შესაქმნელად. კვლევის საფუძველზე უნდა შეიქმნას მოსწავლე-ახალგაზრდების პროფესიული ორიენტაციის, კარიერის დაგეგმვის სფეროში არსებული ვითარების შესახებ ერთიანი სისტემატიზირებული სურათი. უნდა შეფასდეს მიმდინარე რეფორმების ეფექტურობა, კარიერის დაგეგმვისა და კონსულტირების სერვისების ცნობადობა და ხელმისაწვდომობა; კვლევით მიღებული სურათის საფუძველზე უნდა შემუშავდეს შესაბამისი რეკომენდაციები. კვლევამ უნდა შეაფასოს სპორტისა და ახალგაზრდობის საქმეთა სამინისტროს ინიციატივით შექმნილი სერვისის ეფექტიანობა. კვლევის შედეგების საფუძველზე უნდა შემუშავდეს რეკომენდაციები საკითხებზე მომუშავე სამთავრობო და არასამთავრობო სტრუქტურებისა და დაინტერესებული ორგანიზაციებისათვის. პროგრამის განხორციელება ხელს შეუწყობს ახალგაზრდობის კარიერული კონსულტაციის შესახებ ინფორმაციის სისტემატიზაციასა და ანალიზს; კვლევაზე დაფუძნებული რეკომენდაციები კი უპასუხებს არსებულ გამოწვევებს და ხელს შეუწყობს კარიერული დაგეგმვისა და კონსულტირების სფეროს განვითარებას საქართველოში. კვლევის ამოცანები: კვლევა ფოკუსირებული უნდა იყოს შემდეგ ძირითად საკითხებზე: კარიერული კონსულტირების, პროფესიული ორიენტაციის შესახებ ახალგაზრდების ინფორმირებულობა; კარიერული კონსულტირების, პროფესიული ორიენტაციის სერვისების ხარისხი და ხელმისაწვდომობა; პროფესიის არჩევის ძირითადი პრედიქტორების კვლევა - კარიერასთან დაკავშირებული განწყობებისა და მოლოდინების შესწავლა; კარიერულ კონსულტირებასთან დაკავშირებული საჭიროებებისა და მოლოდინების კვლევა; რეკომენდაციები კარიერული კონსულტირების, პროფესიული ორიენტაციის სერვისების გაუმჯობესებასთან დაკავშირებით. I. პირველ ეტაპზე უნდა ჩატარდეს თვისებრივი კვლევა. მიზანი: (1) მოსწავლე-ახალგაზრდებში პროფესიულ ორიენტაციასა და კარიერის დაგეგმვასთან დაკავშირებული პრობლემური ასპექტებისა და პრიორიტეტების გამოკვეთა. (2) რაოდენობრივი კვლევისთვის კითხვარის მომზადება. თვისებრივი კვლევა უნდა ჩატარდეს თბილისსა და საქართველოს რეგიონებში 14-17, 18-22 და 23-29 ასაკობრივ ფოკუს ჯგუფებში. ასევე, უნდა ჩატარდეს ფოკუს ჯგუფი სფეროს ექსპერტთა მონაწილეობით. II. მეორე ეტაპზე უნდა ჩატარდეს რაოდენობრივი კვლევა. მიზანი: ძირითად კვლევით კითხვებზე ვალიდური ინფორმაციის შეგროვება, შერჩევის რეპრეზენტატულობის დაცვით (რაოდენობრივი კვლევა უნდა ჩატარდეს საქართველოს ყველა რეგიონში, მათ შორის ეთნიკური უმცირესობების წარმომადგენლებზე). ანგარიშში დეტალურად უნდა იყოს აღწერილი შერჩევის პროცედურა და შერჩევის რეპრეზენტატულობის დამადასტურებელი ინფორმაცია. ასევე, მონაცემები წარმოდგენილი უნდა იყოს შემდეგი კატეგორიების მიხედვით: ასაკობრივი ჯგუფები; რეგიონი; დასახლების ტიპი; ეთნიკური უმცირესობები; სქესი; ოჯახის სოცო-ეკონომიკური სტატუსი. III. მესამე ეტაპზე უნდა მომზადდეს ანგარიში. ანგარიშში აკუმულირებული უნდა იყოს თვისებრივი და რაოდენობრივი კვლევის შედეგები; ექსპერტული შეფასებები; კვლევითი მონაცემების საფუძველზე შემუშავებული რეკომენდაციები.	
სულ ჯამი	

(პრეტენდენტის დასახელება,
(სახელი, გვარი, თანამდებობა)

(ხელმოწერა)
(თარიღი ბ.ა.)